

Oacico yenican ynielel ytlacol ypalnemoa yeitic on nemia maon nechoquililo in quauhtli ocelotl yenican cantipopolicuizque ayac mocahuaz.

Xicyocoyaca antepilhua ahuxotzinca manelyechalchihuitl manelteocuitlatl noyeompayaz incaninximohua quenonamican ayac mohuaz.

Nichoaca nihualic notlamati yniquilnamiqui chalchihuitl tlaçoxihuitl ynoticlati ynotiquimilo ycelteotl achtleyca cuix intoyollo tleycapoliuiz intotlayocol çaninetlama intlanelmoxochiuh yntlanelyectlin amocuc machoc mocuepaquih in ayoquatzin cuix ocepa nequittaz cuix ocepa nicotzaz in huehuetitlan.

Yeto cuic toxochiuh tic ehua yeuc ycelteotl yonmoquechnahuatiuh ynic niuh-yotl ymatitechmatiuh incohuayotl in nicototehuac intochihuitzin inconitotehuac incoyolchihuiqui çatocochitlehuaco çatontemiquico ahnelli ahnelli tinemico intlpe.

Yoxopan xihuitl y pantochihuaco hualececelia hualitzmolini intoyollo xochitl in tonacayo cequi cueponi oncuetlahuia inconitotehuac yntochihuitzin.

Çanitlatol çaniciehuiz ontlahuiz intocamoquequelo techahahuilohuanica ayac huelo ayac huelonquilhuiz ynitlatol ypalnemoani.

Yntel caço huemac intimalo teçoçomoc teuctli tlatatecoltl yeoyauh incuetzpal oçomatlinteuctli tlachquiehuitl çanontemo huehueyotian tlpç. ayac huelo ayac huelo.

Ma huel manintlalli mahuelica tepetl quihualitoa ayoqua çanye huan cuetz-paltzin.

Tlaxcallan huexotzinco inaizquixochitl cacahuaxochitl maonne mahmaco ma huel mani tlalla.

Ni huinti nichoaca nicnotlamati nicmatiniquittoa nic ilnamiqui ma caic nimi-qui macaic nipolihui.

Yncanah micohua in canontepetihua ymaoncan niauh macaicni miqi macaic nipolihui.

An monecuiltlonol amonmoquimiloa antepilhuan quauhtli iztaç inpetlacalcatl mayanquitlatzihuiti chimalli xochitl, ictotonquia ic e tic mochiuhtoc xayaca machan.

Ancaic nopillotl ontitimaliuhfaz quenonamican anca ayaznequi antepilhuan amontlachiaznequi ynompanemohua amacheahua. Çan cayellel ytlacol yixochiuh yeicuc maictonahuiaçan petlacalcatl inquauhtli iztaç quenmantlacahuaz ynicelteotl ynipaltinemi yenican.

Teic no huica teicnocemilhuiltia ynipaltinemi ye hua Dios anqui yeococauh ontemoenihua ypetlapan quemnantlacahuaz ynicelteotl inipaltinemi yenican.

Xochinquahuitl onicaç intamoan ychan dios yecha, oncan tiyocoloc tinahuatiloque teuctlatoltica techylacatzon inçanyehuan toteouh ynipaltinemi.

Yhui yntecuitlatl in nicpitza nicchalchiuhque yectli tocuic yhuinteoxihuitl icninappa, tech ilacatzohua nappatamo, tamo aychan yehuan Dios ypalnemohuanic xonahuiaç nican xopanian xopan calitic.

Yemo necuiltlonol moteicnelil huelon nemohua ypalnemohuani tlapceque. timohuihuixoa ytimotzetzeloa nican moqui nochan moquinocal ymancan que mon intlpe. yinic yene mohua mopetlapan momahuiçocan ayac çanquittoa monahuacaton teicnoytta tontemopepenia.

Ycan monoma intehuatl tonteic noytta mochiel ymanca mocalyman ca canmitzontlapielia y palnemoani xiuhztzin incoyolchihuiqui xihuitl popoca moquihuitzin ayac çanquittoa monahuac tonte ye noitta.

Cuicatl ayolque xochitl ancueponçue antepilhuan niçacatimaltzin intochi huitzin ompaye huitze xochimecatl.

Çayecolinia y huehuch yayacach ypalnemohuani amoxicuiliuhoc an mocuic anquiçoçoa ahuehuetitlan motenehuatzin moquauhtzetzeloa xochiyaoyotica cona huilitia y cel teotl.

NICAN OMPEHUA HUEHUE CUICATL YN NEPAPAQUILIZ

cuic tlatoque Titico titico titico.

Yehuan tlatatl obisponcuica oztocalitic mimilintoc in teponazxochi huehuetl comonticac.

Quenon mach in quehua cantiquittaz tietemoa xochimecatica qui hui huicon yeixnepaniuhayaticac yeuc ye an mococol moteuçoma.

Xochi it huallin niepoxahuacón namocoheol xochi yt huallin niepoxahuaco namocoheol xiuhchiquacoltica ye nitlacçatihuitz tzonco cahuilti.

Acanacochtica xochicozcatica nictzetzeloantlahuilli xochitl nictzetzeloa tlahuilli xochitl xiuhchiquacoltica yenitlacçatihuitz.

At tiqualani in nipaticac at tiqualani in nechcapaticac tlaçuel tlaçictotoma xochimacaticac nauhcampa cacenca huelxixitto monilpitica noyollo noyollo que nanquichihuazque.

Toco toco toti.

Aquin tlatatl oyeococ oztocalitic xochitl tzetzelihuetoc tlaçoyehuatl intlatoani yayaticacapil tlanitz ayochicahuaz cacalacatinemi çan caomicuiltotopochpil yeuitlapan tetzelilaca cuica Dios ychan tzontli ymapil canahuacan qua tlatlalhuazo ttehuilacachpil mamaçohua moteuc comapil.

Annocalihuan antlaçuel xompehuacan tlaçuel xoncuicacan moconca quiz yeucayo moteuçomapil yxonehnecuil xoquechtlan tziçquauh caxpil tzinte ponpil canihquitapiz miqi xillancapitz yolloylacatz omicuiltteui cuilpil y yacachiqua colchitolpil a han nellin iuh-toncat capil ahanellin iuh-toçatecapil.

Çantlapitzalcopa mitz hualahua in huehuetque moteneçomapol inqua tlatla-
quacpil quaxochimeca hui huicon ticatcapil ahaneliuhtoeat capil.

Coto coto coto.

Nicuicanitl ti huehuetque acyehuatl yecopoaz ytlatol ycelteotl yniamox yni-
tlacuilotl incuicatl huehuetl teponaztlayacach tzilacatl ayotl yechicahuaztli eue-
ponqui cocahuic xochitl cahulia xochitl tlpc. cantonyaz cantaciz cantinemiz.

Ximotlalicán nox huihuane xonmotlalicán nox huihuane maiuhqui obispo
canca centzonxiqipilli cuix huimolintoc momamalintoc xincuemoliuhtimani
ynitlatol iyehuayiollo.

Ac on mottiz ac ontlachiaz xochioztolaleo amoxtlacuiloalcalitican ticac tlatla-
tahquetl ahnec huelitoa chicoteneque chicotlatoque manen quittocán yecopoaz ye-
conchihuaz noxhuihtzin.

Cano Dios nechihuca, cano Dios nechycocxa xochiquimiliuhticac xochpetla
ylacatz huimoliuhtoc momamalintoc yonquetzal pachiuhticac nitienoyollo nicui-
canitl.

San Fran^{co} ontlatoa fray pedro yenechnahuatia nicuicanitl çan canyeoncan
oztocalitic yehuan Dios ytlatol nic ythoa cayayec çan nocahuetzca nechpinahua
noxhuihtzin maye hualmoquetza maquitto ychicotlatol mayeic cahauilti nox-
huihtzin.

Acon matiz nohuelquittaz noyollo nicuicanitl at aiuhqui nicehuaz nicyttoz
cayaicac çan nocahuetzca nechpinahua noxhuihtzin maye hualmoque.

toco toco totí.

Nocaltic nohuehue mamitztlatlani acipatiuhneçahualpilli alteponaz cuecueli-
huh yexochihuehuatl ycatlac necuilpil ceceyaca netlatlalolo inixopilhuan cequi
aonteaci cequi aonteaci.

Achancayehuatl intlatoani neçahualpilli quacoypil quaxacaliente cuicuul yla-
catztepil inquappace mixtlapal necuilpil. Nonimitz ahua intlatoani intaxayaca
inquamimilpol inquauhuitzoe tepol ixecotzohual cacatzactepol tentzonpachpol
mahuehue yacapol açomachiuhquintlacatl.

Çayetiquineuh in mantocotzotl xiyeñi in matlatlachcuiltl çancayehuatl acacalotl
mitztlacilhui quechuehueyacapol, yetenpitzacpol ypan tetepo cecen ma apol in-
tocnihuan ic yecho xicaquica.

coto coto coto.

Nihuel cuicaya mamitoti totoquihuaz inten nopaltitlac ahmotla ahhuape
hualpol inyacatlapitzal teuceizeoyopol yeiuhqui intlan.

Xoch huehuetque nic hualitta a moniuhito toquihuazpol elmoçoquilla caca-
tzaepol ixecuatol ehexoquimilpol açomachiuhquin tlatatl.

Caxoilacaxochiquahuitl nehueponticac oncan yec y y ye haxo huicollinteço-
çomocton queztepolo co texolo xomelli que cahuitica intenochtitlan tzincapitz
eloizquipapatzacpil teçoçomocton.

Ypan mochiuhtihuitz ynaxoquenpil xotlexixil huazpil tlan qua ohol mapil
quechtepolo lomiticuitzpil teçoçomocpil.

NICAN OMPEHUA INMOTENEHUA MELAHUAC CUICATL YN

*mehuaya tecpan Mexico Acolhuacan tlalhuacpa
ymic ymelelquiçaya tlahtoque.*

yexcaquica xo-
chicucatl hul-
huahucatl ic-
noicatl nne-
liuhtoc

Xiahuitl ompehua xiahuiloneuican ticuicanitl huiya maxona huia-
can y, on elelquixtilon ypalnemohuani y yeo ayahui ohuaya &.

Maxonahuiacan i yetechonquimiloa ypalnemohua ye xochimaquizti-
ca netotilo yenehuihuo ayamoxochiuh ohuaya, yao yaoho amay yehuaya ahuy
yao ayeohuaya ohuaya, yemomamana yemomama ya tocuic maquizeytec çan-
teocuitlacalico moya huaxochinquahuitl oo ye mohuixohuay çan yemotzetzelo
mantlachichina quetzaltototl mantlachichinanya çaquan quecholan ohuaya &.

Xochinquahuitl timochiuhximaxelihui tihuitolihui oyatimoquetzaco in yehuan
Dios y ixpantimomati te hua nipapan xochitla ohuaya ohuaya.

Maocoyaticay oexocueponticayn tlpc. y timolinia tepelui xochitl timotzetzelo
yo huaya ohuaya, atlamiznoxochiuh atlamiz nocuic yn noconyayehuaya çan ni-
euicanitl huia xexelihui ya moya huayaho coça huaya xochitl çayeoncalaquilo
çaquan calitica ohuaya ohuaya.

Yncacaloxochitl y mayexochitl aya ohuaye ticyamoya ticyatetzelo xochin-
calaytec a ohuaya ohuaya.

Yyoyahue yenonocuiltonhua onnitepiltzin nineçahualcoyotl huia nienechico
cozcatl inquetzalinpatlahuac yenonicyximatinchalchihuitl yaoo intepilhuan ohua-
ya ohuaya.

Yxco nontlatlachia nepapan quauhtlin ocelotl yenonic yximatichalchihuitli-
ya in maquiztliya ohuaye.

Chalchihuitlamatilol maquiztli y popocaye ehuaya y amoyolloya in amotla-